

# Lettera d'Argentina

Cette lettre, empreinte de nostalgie, montre que celui qui part ou qui s'exile emporte toujours avec lui son histoire et celle de sa terre.

I loca di qui  
Sò fatti à lu to parè  
Vularia chi  
Tuttu firmessi par mè  
Ma lu tempu si sbucina  
In'ssa terra d'Argentina.

Quale à po sapè  
Chi hè la mio vita avà  
Qualcosa di tè  
Chi fermà in li ghjorni à fà  
Chi lu me passu strascina  
In'ssa terra d'Argentina.

**Com'è l'armuria strana  
Chi risona tantu è più  
Com'è a terra luntana  
Di a nostra giuventù.**

**Com'è quidda casa vechja  
E lu paesi culà  
Com'è tanti fole à vegħja  
Chi tu sapii cuntà.**

A chi po ghjuvà  
Di ramentassi dinò  
E chi firmarà  
Di li ricordi chi sò  
Chjusi in l'ora citadina  
Di sta terra d'Argentina.

Tuttu ciò chi fù

Un mi ne possu scurdà  
Ma dimmila tù  
Chi fermà in li ghjorni à fà  
Chi lu passu strascina  
In'ssa terra d'Argentina.

**Com'è a piazza tamanta**  
**Duve andavamu à ghjucà**  
**Com'è'ssa risa chi un pianta**  
**In fondu à mè di chjamà.**

**Com'è li passi sicuri**  
**Chi tu purtavi quassù**  
**Com'è li chjassi primuri**  
**Di la noscia giuventù.**  
**E tù...**

*Francescu Lanfranchi / Natale Luciani*  
*Canta u Populu Corsu*